

Uunga siunnersuut:**Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarnera pillugu Inatsisartut inatsisaat.**

(Atuuffissaasa annertusitinneqarnerat, ilanngaatiginnissinnaatitaaneq, atsiornissamut piumasqaatinut ilaatitsinnginnissamut aamma ingerlaavartunngortitamik aningaasarsianit unerartitsineranut killissaliussanik aalajangersaanissamut piginnaatitsissut il.il.)

§ 1

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3, 2. maj 1996-imeersumi, kingullermik Inatsisartut inatsisaanni nr. 13, 3. juni 2015-imeersumi allanngortinneqartumi, makkua allanngortinneqarput:

1. Inatsisip qulequtaa imatut oqaasertalerneqarpoq: ”Pisortanut akiitsunik akilinngitsuukkanik akiliisitsiniartarneq pillugu Inatsisartut inatsisaat”.

2. § 1 imatut oqaasertalerneqarpoq:

” § 1. Matumani Inatsisartut inatsisaat kommunit aamma Namminersorlutik Oqartussat akiligassiissutaannik akiliisitsiniartarnermut tunngassuteqarpoq.

Imm. 2. Inatsisartut inatsisaat Inatsisartut inatsisai Inatsisartullu peqqussutai makkua naapertorlugit akiligassiissutaalersimasunut atuuppoq:

- 1) Aningaasarsianit akileraarutit pillugit Inatsisartut inatsisaat.
- 2) Akileraaruserinermik ingerlatsineq pillugu Inatsisartut inatsisaat.
- 3) Pappiaqqanik nalilinnik naqissusiinermi akitsuut pillugu Inatsisartut inatsisaat.
- 4) Eqquiniaasitsinermi akileraarutit pillugit Inatsisartut inatsisaat.
- 5) Aningaasanik ikisilluni pinnguaatinut akileraarut pillugu Inatsisartut inatsisaat.
- 6) Umiarsualivimmiinnermut aamma umiarsuarni takornariartaatini ilaasunut akileraarutit pillugit Inatsisartut inatsisaat.
- 7) Qamutit motoorillit akileraarutaat pillugit Inatsisartut inatsisaat.
- 8) Aalisarnermi pisarineqartut isumalluutitik atuinnermut akitsuutaat pillugit Inatsisartut inatsisaat.
- 9) Pigisanit pissarsiat ilaasa akileraaruserneqartarnerat pillugu Inatsisartut Inatsisaat.
- 10) Sulisoqarnermut akitsuut pillugu Inatsisartut inatsisaat.
- 11) Imigassat aalajangersimasut Kalaallit Nunaanni sananeqarsimasut akitsuutaat pillugit Inatsisartut inatsisaat.
- 12) Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat.
- 13) Ilinniagaqarnerisutit pillugit Inatsisartut inatsisaat.
- 14) Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat.
- 15) Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat.
- 16) Pisortanit ikiorsiissutit pillugit Inatsisartut Inatsisaat.

- 17) Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat.
- 18) Inissianik attartortitsisarneq pillugu Inatsisartut peqqussutaat.
- 19) Nukissiornermi ikummatissat avatangiisinut akitsuutaat pillugu Inatsisartut inatsisaat.
- 20) Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut inatsisissaattut.
- 21) Nunalerinermik inuussutissarsiornerup siuarsarneqarnissaa pillugu Inatsisartut inatsisaat.
- 22) Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat.
- 23) Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat.
- 24) Atuagaateqarfiit pillugit Inatsisartut inatsisaat.
- 25) Unammilleqatigiinneq pillugu Inatsisartut inatsisaat.
- 26) Peqqinnissaqarfip sullissineri il.il. pillugit Inatsisartut peqqussutaat.
- 27) Sermip ergullu niuernikkut iluaqutigineqarnissaa pillugu Inatsisartut inatsisaat.
- 28) Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat.
- 29) Aatsitassat pillugit ingerlatallu tamatumunnga pingaarutillit pillugit inatsisartut inatsisaat.
- 30) Aatsitassanut tunngasunik suliaqarneq pillugu Inatsisartut inatsisaat.
- 31) Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaat.
- 32) Utoqqalinersiaqarneq pillugu Inatsisartut inatsisaat.
- 33) Siusinaartumik pensionisat pillugit Inatsisartut inatsisaat.
- 34) Meeqqanut tapiissutit pillugit Inatsisartut inatsisaat.
- 35) Suliffissarsiortunut ikiorsiissutit pillugit Inatsisartut Inatsisaat.
- 36) Pilersarusiorneq aamma nunaminertat atorneqartarnerat pillugit Inatsisartut inatsisissaat.
- 37) Avatangiisit innarlitsaaliorneqarnissaanik Inatsisartut inatsisaat.
- 38) Imaani avatangiisit illersorneqarnissaa pillugu Inatsisartut inatsisaat.
- 39) Inuit innarluutillit tapersorsorneqarnissaanut Inatsisartut inatsisaat.
- 40) Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat.
- 41) Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat.
- 42) Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut.
- 43) Aalisarnermut aningaasaliissutinut immikkoortitat pillugit Inatsisartut inatsisaat.
- 44) Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat.
- 45) Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat.
- 46) Najukkani aatsitassanut tunngasunik suliaqarneq pillugu Inatsisartut inatsisaat.
- 47) Illut piginneqatigiit pigisaat pillugit Inatsisartut inatsisaat.
- 48) Illunut aningaasaliisarnerit pillugit Inatsisartut inatsisaat.
- 49) Aalisarneq pillugu Inatsisartut inatsisaat.

50) Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat.

51) Unnuinermi akitsuut pillugu Inatsisartut inatsisaat.

Imm. 3. Inatsisartut inatsisaat aamma kommunit aamma Namminersorlutik Oqartussat innuttaasut suliffeqarfiillu kiassarnermut, innaallagissamut imermullu akiliinissamut pisussaaffinni akiligassiissutaannik akiliisitsiniarnermi atuuppoq.”

3. § 2 imatut oqaasertalerneqarpoq:

” **§ 2.** Akiligassiissutit makkua Kalaallit Nunaanni eqqartuussisarnermik inatsimmi akiligassiissutinik pinngitsaaliissummik naammassinnitsitsisarneq pillugu kapitali 46-mi aamma 47-mi maleruagassat malillugit pinngitsaaliissummik naammassitinneqarsinnaapput:

- 1) Akiligassiissutit § 3, imm. 4-mi aamma 5-imi taaneqartut.
- 2) § 1, imm. 2, nr. 12-17-imi, aamma nr. 20-50-imi ilaasutut akiligassiissutit.
- 3) Kommunit aamma Namminersorlutik Oqartussat aningaasarsianik annertunaarlugit tunniunneqarsimasunik utertillugit akilerneqarnissaannik piumasaqaataat.
- 4) Kommunit aamma Namminersorlutik Oqartussat qatserinermut atortussanik tunisinermut akiliinissamut piumasaqaataat.
- 5) Kommunit aamma Namminersorlutik Oqartussat ininik, ataatsimiittarfinnik imaluunniit illuutinik, illup initarinngisaannik, attartornermut akiliinissamut piumasaqaataat.”

4. § 3, imm. 6, atorunnaarsinneqarpoq.

5. § 5, imm. 1, imatut oqaasertalerneqarpoq:

”Akileraarutinik annertunaarlugit akilerneqarsimasunik utertillugit akiliinermi aammalu kommunip imaluunniit Namminersorlutik Oqartussat inunnut imaluunniit inatsisitigut pisinnaatitaasunut nioqqtissanut sullissinernullu akiliuteqarneranni, kommunit aamma Namminersorlutik Oqartussat pisinnaatitaasup akiligassiissutit makkua pillugit akiitsuisa akiligassanngoreersut akilerneqanngitsut aningaasartaattut annertussusilinnik ilanngaassisinnaapput:

- 1) Akiligassiissutit § 1, imm. 2-mi aamma imm. 3-mi ilaasut.
- 2) Aningaasarsiat annertunaarlugit tunniunneqartut utertillugit akilerneqarnissaannut akiligassiissutit.
- 3) Qatserinermut atortussanik tunisinermut akiliutissanut akiligassiissutit.
- 4) Ininik illup initaannit allaanerusunik attartornermut akiliutissanut akiligassiissutit.”

6. § 5-ip kingorna immikkoortup qulequtaa “Akisussaaneq”, aamma § 6 atorunnaarsinneqarput.

7. § 7 imatut oqaasertalerneqarpoq:

” **§ 7.** Suliffeqarfiit illuliornernik sanaartornernillu suliassanik suliarinninnissamut sulisussarsiarineqarneranni, suliffeqarfiit akileraarutit akitsuutillu pillugit

akilerneqanngitsunik, akiligassanngoreersunik akiitsoqarnersut eqqarsaatigineqassanersoq, oqartussa q suliakkiisoq aalajangiisinnaavoq.

Imm. 2. Aalajangiinerit imm. 1-imi taaneqartut pillugit maleruagassanik Naalakkersuisut aalajangersaasinnaapput.”

8. § 10 imatut oqaasertalerneqarpoq:

” § 10. § 1, imm. 2-mi aamma 3-mi ilaasuni akiligassiissutunik akiliisitsiniartartut akiliisitsiniarnerannut atatillugu akiligassiisarneq aamma akiliisarneq pillugit maleruagassanik Naalakkersuisut aalajangersaasinnaapput.”

9. § 11 imatut oqaasertalerneqarpoq:

” § 11. § 1, imm. 2-mi aamma 3-mi ilaasuni akiliisitsiniarnermi periaasissaq pillugu maleruagassanik Naalakkersuisut aalajangersaasinnaapput.”

10. § 11 a, imm. 3, imatut oqaasertalerneqarpoq:

” *Imm. 3.* Akiligassiissutit 100 koruuninik sinnerlugit annertussusillit, akiliinissamut piffissamut killigigitap qaangiutereernerani, aammalu nalinginnaasumik nukingisaarutitut suleriaatsit iluaqutaanngitsumik ingerlanneqareersimalerneranni, akileraaruseriffimmut akilersinniarneqartussanngorlugit tunniunneqassapput. Kommunini akiligassiissuteqartut, akiliinissamut piffissamut killigigitap qaammatisiutini ullunik 14-inik qaangerneqarpat, akiligassiissutit akileraaruseriffimmut akilersinniarneqartussanngorlugit tunniutissavaat.”

11. § 11 a, imm. 8 imatut oqaasertalerneqarpoq:

“ *Imm. 8.* Pissutsinut imm. 1-imiit 7-imut taagorneqartunut tunngatillugu, tamatumani aamma akilersinniakkanik akileraaruserivimmud tunniussinermi periusissaq pillugu, nalinginnaasumik eqqaasitsissuteqartarnermi suleriutsimut minnerpaamik piumasaqaatit pillugit, akilersinniakkanik utertitsisarnermut, naafferartumik akilersorneqarnissamut imaluunniit akilinngikkallartinneqarsinnaasutut akuerineqarsinnaasut pisassarisat annertussusiinut il.il tunngasunik, aammalu naafferartumik akilersuinermi akiliinngikkallarnissamullu piffissaliussat pillugit malittarisassanik Naalakkersuisut aalajangersaasinnaapput. Naalakkersuisut aamma akilersinniakkat elektronikkimik atortorissaarutit atorlugit tunniunneqarsinnaanerut pillugu malittarisassanik aalajangersaasinnaapput.”

12. § 11 b, imm. 1 imatut oqaasertalerneqarpoq:

“ Pisassarisat akileraaruserivimmud akilersinniagassanngorlugit tunniunneqartut malittarisassat Naalakkersuisut aalajangigaat malillugit erniaqartinneqassapput. Naalakkersuisut tamatumani pisassarisanut assigiinngitsunut erniat annertussusissaat aalajangersarsinnaavaat aalajangersarlugulu erniat qanoq naatsorsorneqarnissaat.”

13. § 11 b, imm. 5 imatut oqaasertalerneqarpoq:

“ *Imm. 5.* Imm. 3-mik atuinissamut Naalakkersuisut malittarisassaliorsinnaapput.”

14. § 11 c, imm. 3 imatut oqaasertalerneqarpoq:

“ *Imm. 3.* Naalakkersuisut imm. 1 aamma 2-mi malittarisassat naammassineqarnissaannut erseqqinnerusumik malittarisassanik aalajangersaasinnaapput. Naalakkersuisut aamma pisassaqaartuusut pisortanilu oqartussaasut allat elektronikki atorlugu atortorissaarutit atorlugit pisassaqaartuusumut pineqartumut tunngatillugu akiligassanut kinguaattoorutit amerlassusaannik, aammalu pisassaqaartunut allanut tunngatillugu akiligassanut kinguaattoorutininik peqarnersoq akileraarusersiviup paasissutissanik nalunaarsugaanut isersinnaanerannut malittarisassanik aalajangersaasinnaapput.”

15. § 11 c-p kingorna immikkoortumut qulequtaq “*Agguaanermut aalajangersakkat*” atorunnaarsinneqarpoq.

16. § 11 d imatut oqaasertalersorneqarpoq:

“ **§ 11 d.** Kommunit akiliisitsiniarnermut tunngasutigut innuttaasunik sullissinerat pillugu sulianilu allagaatit allagaatinillu toqqortaait qanoq annertutigisumik akileraaruserivimmumt nuunneqarnissaat pillugu malittarisassanik Naalakkersuisut aalajangersaasinnaapput.”

17. § 11 e imatut oqaasertalersorneqarpoq:

” **§ 11 e.** Allakkianik atsiorneqanngitsunik imaluunniit maskiinamik atsiorneri issuarneqarsimasunik imaluunniit taamaaqataanik periaaseqarfiusunik tunniussisarneq pillugu maleruagassanik Naalakkersuisut akiliisitsiniartarnermut suliassaqarfimmi aalajangersaasinnaapput, taamaalilluni allakkiaq taamaattoq inatsisitigoortumik allakkiamut inummit atsiorneqarsimasumut sanilliunneqarsinnaassalluni.”

18. § 11 f imatut oqaasertalersorneqarpoq:

“ **§ 11 f.** Akiitsulinnut aningaasanik tunniussinerni ingerlaannartumik unerartitsinermi (aningaasarsianit unerartitsineq) periaasissaq pillugu maleruagassanik Naalakkersuisut aalajangersaasinnaapput, ilanngullugu akiitsulimmumt tunniussinerni qanoq procentiliilluni ingerlaannartumik aningaasarsianit unerartitsisoqarsinnaanersoq aalajangersaasinnaallutik. Naalakkersuisut aalajangersaanerminni akiitsullip akiliisinnaassuseqarnissaa eqqarsaatigissavaat. Naalakkersuisut tamatuma saniatigut akiitsullip akiliisinnaassuseqarnerata aammalu akiitsullip isertitaasa A-t unerartitsinermilu procentiliussap imminnut ataqatigiinnerat pillugit naliliinermi periaasissaq pillugu maleruagassanik aalajangersaasinnaapput.”

19. § 11 f-ip kingorna immikkoortup qulequtaa “*Akiliisarnerit*” atorunnaarsinneqarpoq.

20. § 11 g imatut oqaasertalerneqarpoq:.

” § 11 g. Akiligassiissutip aningaasartaasa sinnerat 100 koruuniuppat annikinneruppalluunniit, akileraaruseriffiup akiligassiissut akiligassiisumut utertillugu tunniussinnaavaa.

Imm. 2. Kommunalbestyrelsit aamma Naalackersuisut akiligassiissutitik 100 koruuninik annikinnerusunilluunniit aningaasartallit akilerneqanngitsut isumakkeerniarlugit aalajangersinnaapput.”

21. § 12, imm. 3, imatut oqaasertalerneqarpoq:

“ *Imm. 3.* §§ 10, 11, 11 a, imm. 8, 11 b, imm. 5, 11 e, 11 f naapertorlugit najoqqutassani atuutsinneqalersuni pineqaatissiissutinik, akiliisitsissutitut ilusilinnik aalajangersaasoqarsinnaavoq.”

22. § 12-imi imm. 4-tut aamma 5-itut ilanngunneqassaaq:

” *Imm. 4.* Inatsisartut inatsisaat imaluunniit najoqqutassat Inatsisartut inatsisaat naapertorlugu aalajangersagaasut akiliisitsinissap aalajangersarnissaanut inatsimmi tunggavissaliisimappata, akiliisitsinissaq Kalaallit Nunaanni Pinerluttulerinermut Inatsimmi kapitali 5-imi maleruagassat malillugit ingerlatseqatigiiffiit il.il. (inatsisitigut pisinnaatitaasut pisussaataitaasullu) tutsinneqarsinnaavoq.

Imm. 5. Akiliisitsissutit Inatsisartut inatsisaat manna, imaluunniit Inatsisartut inatsisaata malitsigisaatut najoqqutassat atuutsinneqalersut malillugit akiliisitsissutaasut Nunatta Karsiata pisassarai.”

23. § 12 a, imm. 1 aamma 2 imatut oqaasertalerneqassapput:

“ Akileraaruseriviup naatsorsuutigippagu unioqqutitsineq akiliisitaanermi sakkortunerusumik nassataqassanngitsoq, Naalackersuisut pineqartoq nalunaarfigisinnaavaa suliaq eqqartuussivikkut malersuinertaqanngitsumik aalajangiivigineqarsinnaasoq. Taamaattorli tamanna taamaallaat pisinnaavoq pineqartup unioqqutitsinermi pisuunini nassuerutigippagu piffissallu erseqqinnerusumik taaneqartup, qinnuteqarnikkut kinguartinneqarsinnaasup, qaangiutinnginnerani, nalunaarummi akiliisitaassutissatut nalunaarutigineqartoq akilerniarlugu nalunaarutigalugu.

Imm. 2. Imm. 1-imi nalunaarummut oqaatigineqartumut tunngatillugu Kalaallit Nunaanni Eqqartuussisarneq pillugu Inatsimmi unnerluussutip imarisassai pillugit malittarisassat taamatuttaaq matumani atuupput.”

24. § 12 b aamma 12 c atorunnaarsinneqarput.

§ 2

Inatsisartut inatsisaat ulloq 1. januar 2027 atuutilissaaq aammalu akiligassiissutinut § 1, imm. 2-mi aamma 3-mi, aamma § 2-mi pineqartunut ilaasunut pilersimasunut tamanut atuulluni.

Namminersorlutik Oqartussat, ulloq xx. xxx 2026

Naalakkersuisut Siulittaasuat